

## **"A Fârjole on èst Lîdjeû"**, chanson créée pour le 07 mars 2000, jour du mardi gras.

Nos èstans d' Fârjole  
Bons mins à n' nén djonde  
A l'ocâsion, nos savans nos amûser  
Tchanter, mindjî, bwâre, èt minme danser  
Fiêrs di nosse bèle linwe walone  
Di nosse istwêre, inviyîe pa tot l' monde  
Profitans do grand feu, pou nos è rap'ler  
Vos n' savoz nén, nos alans vos raconter

Do bon payis d' Lîdje  
Su lès bwârds do Bî  
Poûssén' lès saus, lès têtârs dès bans'lîs  
Toûrnén' les molins, èt lès mâtias  
Fiêrs di leûs libêrtés  
Èt d' leû cité, djalousée pa tot l' monde  
Lès bouteûs fêvres, ouyeûs, bans'lîs èt faudeûs  
Vikén' deur'mint mins dign' èt fiér'mint

Pou disfinde leûs drwèts  
Lès marones trawéyes  
Skètén' lès messes à Fesch' li aut clotchî  
Tapén' les èch'vins foû pa l' fènièsse  
I-z-ont tchèssi l' Prince Evêque  
Èt lès olandès, riwétîs pa tot l' monde  
Dispûs i sav'nut, qu'à Fârjole come à Lîdje,  
Faut nos choûter èt surtout nos rèspècter

Pârtîye rouvîye d' l'istwêre  
Pus aprîje auzès djonnes  
Nos sowétans, nos lès Têtâr di Fârjole  
Dèl rap'ler asteûre, à tos lès djins  
Profitans dèl viëspréye  
Èt do grand feu, pou l' criyî à tot l' monde  
Èt dins l' djwè dèl gnût, pa lès flames luméyes  
Bèvans tèrtos à nosse glôrieûs passé

Musique : Marcel Marchand

Paroles : Yves Servotte